


www.BibleForChildren.org

Matiu 26



loxe, voxo
6 a uxolusio
kaio voxosou
lavilelu so

Mualasi'a uxali. No
anu taimu anene la
lesua mulai ne Vetani. Vetani
ne anu tualasou Lasalusu e
lesua mutulusou no anu
soli.



La Malia
mino'u ueli
tuma'u lailaixe
mumomomo no
anu kilo pa'usou ane
lamolisou tatila musuku.
Ane mino'u ka minixi'u no
tava'u Iesua mo milutunu no
anu kisie Iaxusou. La
tuma'u lailaixe ne
mutomunu tani avile.



loxe, tisapeliou ane ualason lexe lutasi Isikaloti mulai
noxi'a tatiatila noxi'a tapilisiti. Mulai noxi'a so uvikala
lexe anu upilixinu lesua no avo'a.

Mulai muvikalane'i la ane'i
mi'osa manina la mivavalima
lexe ane'i ilotonu. Laso anu
mumolo vote'i so lexe
upilixinu lesua no
avo'a axova.



Laso tatisaipeli milai milalaxinu
la'ilali so Mualasi'a aloxo Iesua
mupela'axu. Ane'i i'ani'anisio la
Iesua muno'u pileti vile xe
muvikala laixe noxou Mosinge.
Mukalu la muse'inu mo
muvelunuxa'a tatisaipelioi la
muvikala lexe, "Ngingi ngano'u
mo nga'ani, ano'o eni
vasimelo." Xe
muno'u kapusou
uaini mo muvikala
laixe noxou
Mosinge.



Mukalu xe mulosi'a la muvikala
lexe, "Ngingi mukalusi ngaixu
ano'o. Xo ano'o sialuxo. Anu
usosovosou konitalaki alavua.
Eni asoli la sialuxo unixi so
ulotonu tina'u so susu noxi'a
tamitema tavu'alo."



Xe ili'i la Iesua muvika la lexe, "Saimonio, Saimoni, nalomu. Uluaou mulinga lexe utovonu lopala noxine. Utovoneni la loxo itema umu'umunu uiti so sosou uxexe xe temanusi a uxolu. Ia eni epilixineni noxou Mosinge mukalu so lopala noxine ulapau avile uasi. Mo so axone xe naxiu nalivui la xavine so na'oxo pakia'a tavivine."



La Pita mukolinu lexe, "Uasi, Tatanaleli. Loxo tamitema ikalavusuneni mo ivene nasoli la eni alalaxi so amulineni no anu." Xe Iesua muvikalanu lexe, "Pitao, eni avikalaneni lexe masi no olovoxo loxo koko'a u'ava uao la alaxu tatalu nini navikala lexe nalavusilo uasi."



loxe, milutula la oli'a Iesua
milai mixali no apu vile
ilemolu lexe Xetisemani.
Mixali mukalu la Iesua
muvikalane'i tatisaipeliou
lexe, "Ngingi ngaxolu 'oe
xo eni alai olele so avikala
noxou Mosinge." Xe
mukatu lexe, "Papao,
Mamiloo. Nini namomomo
so na'oxonu mimi mukalusi
no anu masaxa noxine.
Tu'umaxu e so uxali noxilo
la loxo lexa sixula."



“Loxo eni, la
amasaxau lexe
naxexenu mo so
aiexu uasi. la
namulinu masaxa na'a
xeli uasi, namulinu
masaxa na'a ninisi.”




Laso lutasi mune'ene'i laili ami vile xe tamitema so latolo se'i ane tatiatitasi'a tapilisiti oli'a Tapalisi mipalusi'a ne. Ane'i a mitatavulenu lalamo xe telutelu xe mimi so oto. Mune'ene'i xo la muxalixi'a no anu apu e lesua muxolu no anu. Sila vile mutokinu lavisou so oto sika mupasou sangalou voiou tila noxi'a tapilisiti. Ia lesua muvikala lexe, "Ngatalo! Mukalu!" Ka mumulaxu avolu no sangalou itema ne sila muxali laixenula.



loxe, lesua muvika la mukalu la ane'i miteteliso mo
milaixu la mixalixu avile no tasou tila noxi'a tapilisiti.
Xe Pita mumuline'i mulai ia va'axu seville. La
tamitema se'i mitauxu
navu noale no vaitani xe
mixolu mipita so itu'exu.
La Pita muxolu no
taine'i kalumo.



La uokuvoiou tilasi'a tapilisiti vile anu tulanu itema e Pita mupasou sangalou. Anu mu'avuti muvikala lexe, "Ai, eni masi emaisine ngoli'a ngexolu no xai, ne?" La Pita musingisoula lexe, "Uasi to!" Sila alaxu vilesisi koko'a mu'ava. Laso Pita mulai noale la mutama e lapilai uasisi.




loxe, tatiatila mukalusi ne mi'avuti la
milaixu lesua so itulusou no laxunu
Pailati. La Pailati mutali'isou lesua
lexe, "Nini kingi noxi'a Taiuta, ne?"
La lesua mukolinu lexe, "A loxo nini
mene nelemolu ne." La
Pailati muvikala noxi'ala
lexe anu umasaxau
upilixinu lesua ulaisi. Ia ane'i
mi'ava'ava tatila lexe,

"Nalilinu no oву valautu so usoli.
Nalilinu no oву valautu so usoli."




Laso Pailati mu'italonu no avo'a
so ililinu no oву valautu so
usoli. loxe, mukalu la mino'u
lesua milaixu mo anu molu a
mutatavulenu oву valautu so
ulili no anu. Milai xo la mixalixu
no anu apu vile e ilemolu lexe
Kisou Xinu. Anene ilemolu no
anu vaikala Ipilu lexe Xoloxota.



La no apu ne mililinu no oву valautu.
Xe mililixa'a tamitema tamei no anu
ovu valavalautusi'a kalumo, vile
xalevile xe vile xalevile, io
lesua mulili nonixi.



Anu isivoxo ne mutanuxu aso avile. La no voxo anene lavalava tatila e mulili no tasou Mosinge ne mutea avile, la muxali alelaxu tamei. Xe lesua mu'ava tatila lexe, "Papao eni apilixinu uleleli no avone." Sila tauxu mukalu so musoli.



loxe, aso so u'unae, la Iosepu so
tualala ne Alimatea mulai noxou
Pailati so mutali'isouxu lesua
vasimolu. Mutali'isou lexe
umomomo so uno'u
vasimolu so u'asixu
no voxo nesi, xo
ne'ielala la Voxo so
Ma'ila.



Iosepu ne anu vile noxi'a takaniseli
noxi'a Taiuta. Anu kalumo
muxomaïou voxo so
Mosinge molu u'uli laxune'i
tamitemaou. Mune'e
so utali'isou Pailati
ia oponu u'olo'olo

Iexe masi u'oxo
axova noxou.
Oponu mu'olo'olo
ia mutali'isi.



Mu'italonu axone laso Iosepu
mulotonu lavalava kea mo
mulu'enu Iesua vasimolu no
ovu valautu. Mulu'enu
mukalu la muisisinu
vasimolu no anu
lavalava kea.

Mukalu la
mulaixu mumulaxu
no lulu ane mi'asou
mu'unalai no maia
tava'u. Mumulaxu
mukalu la mupipalo'u
lavo'o toxoxu so
mutanuxu lulu anaxu.



loxe, voxo so lalaxisou Voxo so
Ma'ila mukalu xe loxo
ne'ielae la tatiatila noxi'a
tapilisiti oli'a Tapalisi milai
noxou Pailati.



Milutu xe mixali la mivikala lexe,
"Tatila, nexi texavutalanu
vaikalaou itema so
kalavoi olele e mulemolu
loxo muxoxolusio.
Mu'oxo lexe, 'Voxo
tatalu upolo
ukalu la eni atulu
amaulila.'"



“Laso ane'i milai mitomunu lulu
pakia'u ka mimulaxu sosovo no
anaxu xe mitulusi'a
ta'ami se'i so i'oxo
latolosou.”



loxe, Voxo so Ma'ila mukalu
xe aso so uxali no anu voxo
tei no anu viki la Malia so
Makatala olie Malia ane
vile milai so imaleisou
lulu. Milai mixali sila
mimalei lexe uni'uni
toxoxu muxali.



Xo angelou Tatananenge vile
mulu'e no tualasou Mosinge mo
mupipalo'u lavo'o muxexesou
lulu anaxu ka mutalupexa
no latanu. Xe ane'i
ta'ami e mi'oxo latolo
ne mi'ume la

vasime'a
mu'olo'olo kena
mole vasime'a
musoisolisi.



Xe tasema mimalei axone la angelo
muvikane'i lexe, "Mamu so
nga'ume. Xo eni alavu lexe
ngingi ngene'e so
ngakamulinu lesua e
mililixu no ovu
valautu ka musoli."




Anu uai 'o uasi, anu mutulu mumauli
a loxo molu mulemolu mala'o. Xo
ngane'e mo ngamalei, tanixu
muai no anu a.



La tasema tamei ne mimama'u ia osa'ila
misevile sika mipalea milutu so ilai
ia'alo'i'a tatisaipeli. Ane'i a milalai
sila lesua muxalisi'a no vote'i la
muvikala lexe, "Kakau laixe." Sila
ilou milai noxou ka misavunoxu
tava'u mo mimaxa'u mama'u
mo osa noxi'a noxou.






No voxo vile ili'i la tatisaipeliou 11 mixolu mo a i'ani'ani, la lesua muxali noxi'a. Muxali la mulavixa'a xo ilopala uasi lexe manina so anu mumaulila. Mo xo ane'i ilomuxa'a uasi ane'i ane mimaisou xe mia'alo'i'a lexe anu mulivu muxalila. Ioxe, Tatananenge lesua mupelototosi'a mukalu la anu mutelai muxali no tualasou Mosinge. Muxali, la mutalupexa no avolu Mosinge tema.



Xo Mosinge musexelaxa'a tatemanu
lialia misevile, laso anu mupilixinu Olu
e soxu vilesisi. Mupilixinu mo so ane'i
ta'ei ilopala noxou la imamulo uasi,
ixalisou mauli kaluxu uasi.



54



60



Romans 3:23 Xo nenge mukalusi tesusu, mo loxo nenge menge tatovonu so taxali noxou Mosinge, la tapunengesi.

Romans 6:23 Laso anu ane. Loxo itema uxaxai no anu susu, la lapesou ane solisi. la Mosinge uiaiaama noxinge so lexe taxolu noxou Kalaisiti Iesua anu Tatananenge, la tano'u mauli kaluxu uasi.

Hebrews 9:27 Xo tamitema mukalusi isoli alaxu vilesisi. Xe mukalu la itulu no laxunu Mosinge so utilovosi'a.

Ephesians 2:8,9 Xo ngingi ngelopala noxou laso Mosinge muiaiaama noxinge so mupamaulingengi. Mi ne ngingi menge ngaxalixu uasi. Mosinge molu mu'itimengi. Anene lakolisou xaixai vile nge'oxonu uasi. Laso tava'u so itema vile u'itinu no anu uasi.



Romans 10:9,10 Vaikala aloxo 'o. Loxo itema vile uvikala lamana lexe Iesua anu Tatananenge mo ulopala no oponu lexe Mosinge mutulusou no anu soli, la itema ne uxalisou pamauli ane. Xo loxo itema vile ulopalanu Mosinge vaikalaou la anu uvikala lexe, "Ai, vaikala ano'o maninasi."

Loxo u'oxo axone la Mosinge ulemolu lexe anu malemalenga. Xe loxo u'oxo lexe, "Anu ane, eni alopala noxou Iesuasi." La Mosinge upamaulinu itema anene.

John 3:16,17 Xo Mosinge musexelaxa'a tatemanu lialia misevile, laso anu mupilixinu Olu e soxu vilesisi. Mupilixinu mo so ane'i ta'ei ilopala noxou la imamulo uasi, ixalisou mauli kaluxu uasi. Xo Mosinge mupalusou Olu mune'e no lialia ia so utilovosou susu noxi'a tatemanu kaio ulemolu mamulosi'a uasi. Anu mupalusou mo so tatemanu lialia ixalisou pamauli a noxousi.



1 John 5:11-13 La ano'o vote'i so Mosinge mupala'anixu lexe vaikalaou ne maninasou. Anu mulosinge mauli kaluxu uasi la tava'u mauli kaluxu uasi ne a noxou Olusi. Itema ane Mosinge Olu uxolu noxou la mauli anene a uxolu noxou. la itema ane Mosinge Olu uxolu noxou uasi la mauli anene uxolu noxou uasisi. Eni ekaukavunu vaikala ano'o ulai noxinge ngingi ane ngalopala noxou Mosinge Olu, mo so ngingi ngalavu lexe mauli kaluxu uasi a muxolu noxinge ne.



Matiu 26-28; Luku 22-24; Tioni 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Ata (atm) Copyright 1999 New Tribes Mission, Sanford, FL
32771-1487

<https://www.bible.com/en-GB/bible/3549/MAT.1.ATA>

©2026 Bible for Children, Inc.

www.M1914.org

www.bibleforchildren.org

